



Fernand ETGEN
President vun der
Chamber vun den Deputéierten
19, um Krautmaart
L-1728 Lëtzebuerg

Lëtzebuerg, den 07/11/2022

Här President,

Sou wéi den Artikel 80 vun eisem Chambersreglement et virgesäit, bieden ech lech, dës parlamentaresch Fro un d'Ministere fir Bannenzeg Sécherheet & Justiz weiderzeleeden.

A menger parlamentarescher Fro n°1259 haten d'Ministere mir Donnéeë geliwwert zur Unzuel un Infraktiounen op verschiddene Plazen hei am Land. Zu Réimech gouf viru kuerzem op Kamera festgehalten, wéi zwee Kläpper eng aner Persoun zesummegechloen, um Buedem mat Féiss getrëppelt an him seng Wäertsache geklaut hunn. Mir goufen och Zeieberichter vun engem anere Fall zougedroen, an deem Persoune mat Waffen zu Réimech geschoss sollen hunn. Dës Beispiller sinn nëmmen zwee vu villen, déi op verschiddene Plazen hei am Land all Dag stattfannen.

D'Situatioun am Land schéngt sech allgemeng net ze berouegen. De Rekrutement vu méi Poliziste soll d'Schlagkraaft vun der ëffentlecher Hand verstärken, fir dass de Rechtsstaat weiderhi beschtméiglech funktionell bleift. Ob dat awer duer geet, bleift ofzewaarden.

An deem Zesammenhang wéilt ech de Ministeren dës Froe stellen:

1. Kann d'Regierung den nämmechten Tableau virleeën, wéi an der Äntwert op d'Fro n°1259, dëst fir d'Joren 2019 bis 2022 fir d'Gemengen Réimech, Esch/Uelzecht, Lëtzebuerg (Stater Gare eenzel), Déifferdeng, Péiteng, Dikrech, Ettelbréck a Wooltz?
2. Huet d'Justiz Donnéeën iwwert d'Widderhuelungstäter bei Infraktiounen wéi Déifstall, Iwwerfall an Uwendung vu Gewalt? Aneschtens gefrot, a wéi ville Fäll hu scho verurteelt Persounen an deene leschten 10 Joer op mannst eng Recidive fir Déifstall, Iwwerfall a Gewalt begangen?
3. Hunn d'Ministere Kenntnis dovunner, ob zu Réimech an de leschte Méint Fäll vun illegale Waffengebrauch passéiert sinn?

Mat déiwem Respekt,

GOERGEN Marc
Deputéierten





Gemeinsam Äntwert vum Här Henri Kox, Minister fir bannezeg Sécherheet, a vun der Madamm Sam Tanson, Minister fir Justiz, op d'parlamentaresch Fro n° 7125 vum 7. November 2022 vum honorabelen Députéierten Marc Goergen

1. Kann d'Regierung den nämmechten Tableau virleeën, wéi an der Äntwert op d'Fro n°1259, dëst fir d'Joren 2019 bis 2022 fir d'Gemengen Réimech, Esch/Uelzecht, Lëtzebuerg (Stater Gare eenzel), Déifferdeng, Péiteng, Dikrech, Ettelbréck a Wooltz?

De folgenden Tableau ass d'nämmlecht opgebaut wéi den an der Äntwert op d'Fro Nr. 1259 vum 27. September 2019. Déi selwecht Bemierkungen a Restriktionne wéi se och schonn an der deemoleger Äntwert formuléiert goufen gëllen och hei.

Typ vun Infraktioun	2019	2020	2021
Gemeng Esch			
Vols liés aux véhicules / autres vols	1064	806	984
Violences envers personnes	391	358	467
Affaires drogues	271	327	274
Gemeng Lëtzebuerg			
Vols liés aux véhicules / autres vols	4372	4347	4865
Violences envers personnes	924	820	811
Affaires drogues	2297	2564	1728
Gemeng Déifferdeng			
Vols liés aux véhicules / autres vols	302	283	328
Violences envers personnes	152	169	213
Affaires drogues	111	130	81
Gemeng Péiteng			
Vols liés aux véhicules / autres vols	706	683	766
Violences envers personnes	127	115	128
Affaires drogues	67	99	106
Gemeng Dikrech			
Vols liés aux véhicules / autres vols	126	134	115
Violences envers personnes	69	59	79
Affaires drogues	56	140	151
Gemeng Ettelbréck			
Vols liés aux véhicules / autres vols	186	163	180

Violences envers personnes	92	114	94
Affaires drogues	232	135	170
Gemeng Wolz			
Vols liés aux véhicules / autres vols	72	55	65
Violences envers personnes	48	60	54
Affaires drogues	43	68	78
Gemeng Réimech			
Vols liés aux véhicules / autres vols	80	60	50
Violences envers personnes	25	31	30
Affaires drogues	2	7	6
Quartier Stater Gare			
Vols liés aux véhicules / autres vols	1166	1118	1067
Violences envers personnes	230	261	236
Affaires drogues	1061	1633	1121

2. Huet d'Justiz Donnéeën iwwert d'Widderhuelungstäter bei Infraktiounen wéi Déifstall, Iwwerfäll an Uwendung vu Gewalt? Aneschtens gefrot, a wéi ville Fäll hu scho verurteelt Persounen an deene leschten 10 Joer op mannst eng Recidive fir Déifstall, Iwwerfäll a Gewalt begangen?

Tëschent 2012 an 2021 sinn insgesamt 59 Widderhuelungstäter verurteelt ginn. De folgenden Tableau schlësselt déi verschidden Verurteelungen vun Widderhuelungstäter pro Infraktiounskategorie op.

Catégorie	Nombre de condamnations*
Actes visant des biens avec violence ou menaces contre une personne	7
Actes visant uniquement des biens	49
Agressions ou menaces atteinte à la personne	20

**Eng Persoun déi verurteelt ginn ass fir zwou verschidden Infraktiounskategorien gëtt am Tableau zweemol opgezielt (double comptage).*

Dësen Tableau consideréiert nëmmen déi Persounen, déi virun der Récidive schonn eng Prisongstrof vun op mannst 1 Joer haten. D'Faiten, déi zu der zweeter Verurteilung gefouert hunn, hunn missen an engem Zäitraum vun maximal 5 Joer no der Detentioun begangen gi sinn.

3. Hunn d'Ministere Kenntnis dovunner, ob zu Réimech an de leschte Méint Fäll vun illegale Waffgebrauch passéiert sinn?

D'Ministeren hunn keng Kenntnis iwwert den Detail vun Enquêtes zu présuméierte Strofdoten, well dës, sou wéi d'Gesetz et virschreift, direkt vun der Police den Autorités judiciaires zougedroen ginn.

Lëtzebuerg, den 8. Dezember 2022

Den Minister fir bannenzeg Sécherheet

(s.) Henri KOX